

'Hujan ikan dari langit'

Metro Ahaad 17/7/2022 Ms 123

New Delhi: Penduduk di sebuah negeri di India melalui detik aneh apabila melihat banyak ikan di jalan raya.

Kebanyakan hidupan laut itu masih hidup dan dipercayai dibawa arus banjir pada musim tengkujuh.

Seorang saksi, yang berkongsi video peristiwa aneh itu di laman Twitter memberi gambaran kejadian itu berlaku di bandar Jagtial, Telangana.

"Di tengah-tengah hujan lebat di Telangana, penduduk bandar Jagtial menyaksikan sesuatu yang unik.

"Penduduk Sai Nagar di bandar Jagtial bangun pada Jumaat dan Sabtu dengan kejutan apabila menemui 'hujan ikan dari langit'.

"Hujan ikan, fenomena cuaca jarang berlaku dan ia dipanggil hujan haiwan yang berlaku apabila haiwan air kecil seperti katak, ketam dan ikan kecil dihanyutkan (banjir)," katanya seperti dilaporkan Metro UK.

Berdasarkan rakaman video itu, kelihatan penduduk bergadai nyawa mengambil ikan dan mengutipnya secara berlonggok.

Jutaan orang kehilangan tempat tinggal dalam musim tengkujuh terburuk di India sejak 2005 hingga mengakibatkan lebih 700 terkorban dan menyaksikan pemindahan besar-besaran.

Empangan dibuka di beberapa tempat, di tengah-tengah kebimbangan hujan akan turun lagi.

Pesuruhjaya Wilayah Perbandaran, Amit Prakash Yadav berkata, lebuhraya persekutuan dari Ahmedabad ke Mumbai ditutup kerana paras air semakin meningkat. - Agensi